

2.	TAJUK	SAMPEL AIR SUNGAI BERHAMPIRAN KUALITI ALAM DIAMBIL SUSULAN KAMATIAN IKAN
	SUMBER	BH (16 APRIL 2024)
	BIDANG PERKARA/SUBJEK	ALAM SEKITAR
	MUKA SURAT/RUANGAN	ONLINE

'Sampel air sungai berhampiran Kualiti Alam diambil susulan kematian ikan'

Oleh [Ahmad Hasbi](#) - April 16, 2024 @ 11:16am
bhnews@bh.com.my



Veerapan bersama kakitangan JAS serta pengurusan Kualiti Alam meninjau anak sungai berdekatan tempat logistik simpanan sisa kimia yang musnah terbakar pada Jumaat lalu

SEREMBAN: Sampel air anak sungai berhampiran Pusat Pengurusan Sisa Kualiti Alam yang terbakar pada Jumaat lalu, diambil susulan aduan penemuan ikan mati di saluran itu semalam.

Exco Keusahawanan, Sumber Manusia, Perubahan Iklim, Koperasi dan Kepenggunaan negeri, S Veerapan, berkata kerajaan negeri mengarahkan siasatan rapi dijalankan berhubung aduan itu.

"Hari ini saya melakukan lawatan ke Kualiti Alam selepas mendapat aduan kejadian ikan mati di salah satu anak sungai. Tujuan lawatan ini juga adalah untuk memantau kemajuan terkini di Kualiti Alam.

"Sebagai Exco Perubahan Iklim, saya turut memantau dan siasatan kes ikan mati di anak sungai bersama Jabatan Alam Sekitar (JAS)," katanya dalam satu kenyataan, hari ini.

Veerapan berkata, pihaknya memberikan arahan kepada pihak berkaitan untuk memantau kualiti air dan udara di sekitar tapak kebakaran dan ambil tindakan yang sewajarnya.

"Lawatan dilakukan berdekatan dengan tapak kebakaran. Kertas siasatan dibuka selepas siasatan selesai dan tindakan yang sewajarnya akan diambil.

"Arahan dikeluarkan untuk mengambil sampel air untuk siasatan lanjut. Ketika siasatan berjalan, tiada isu berkaitan dengan kualiti air dan udara terjejas ditemui.

"Dengan langkah ini, diharapkan kita dapat menjamin kelestarian alam sekitar. Terima kasih kepada semua yang terlibat dalam lawatan dan siasatan ini," katanya.

Turut hadir ketika lawatan itu adalah pengurusan tertinggi Kualiti Alam diwakili Pengarah dan Pengarah Urusan Kumpulan Cenviro, Dr Johari Jalil dan Timbalan Ketua Pengarah (Operasi) dan Pengarah JAS Negeri Sembilan, Dr Nor Hazni bt Mat Sari.

Sebelum ini media melaporkan, tempat logistik simpanan sisa bahan kimia berjadual berkeluasan 100x100 kaki persegi di Pusat Kualiti Alam itu terbakar 100 peratus dalam kejadian pada petang Jumaat.